

**OWO-EKỌŃ JESUS**  
**Ńwed Mbon Ephesus 6:10-24.**  
**ỌYỌHỌ UKPEP-ŃKPỌ 404**

**Eke Mkparawa**

**IKỌ IBUOT: “Esine ofuri ńkpọ-ekọŃ Abasi, man mbufo edikeme ndińwana ye ńkari Satan”**  
**(Ńwed Mbon Ephesus 6:11).**

**Ntim-idem Ke Abańa EkọŃ**

Nte afo emekeme ndida ikike fo ńkere mbańa nna mbon-ekọŃ, ekeme ndidi enye emi afo akakade okokut ke ini eyen ete me eyen eka fo okodude ke ekọŃ? Akpa ńkpọ emi afo okokutde ke ini asańade ekpere inua-otop ekedi mme ufọk emi ekebojde mmọ ke udim ke udim, eke mbon-ekọŃ ekenamde utom enyuń eduńde ke esit. Ke ini afo ekebede oro esisit ama okut iren owo mi ye ko ke ańwa ekọŃ. Ndosuk mmọ ekenam isań. Mmọ eken ke ekpep nditop ikań nsim ebiet eke ekenimde. Mmọ eken edu ke ańwa ubom-ofum, ediọŃ engine man eda ekpep nte efede ke ubom-ofum mbon-ekọŃ. Kpukpru mmọ ekekppep ndidi mbon-ekọŃ nnyuń ńńwana ekọŃ.

Ke afo okosuk osukde aka esit ufọk kiet, ekeme ndidi ama okut mme anam-usọ nte ediọŃde ńkpọ ke ubom-ofum. Ke itie ukama-isen, ama okut mme etem-udia ye mme ekpeme-ufọk. Ke ufọk efen, ama okut mme andinọ mbon-ekọŃ ọfọŃ-idem ye ńwed emi owutde kpukpru se enọde mmọ. Ekenam kpukpru emi ndida ńkpeme idut nnyin.

**EkọŃ Eke Spirit**

Uwem anditiene-Christ edi eńwan ńko. Ndo-ndo oro akparawa me ńka-iferi amanade obufa, Satan eyesańa ekpere onyuń odomo ndibọ enye erinyańa esie. Nnyin inyene ndibeńe idem ndińwana ye Satan man imum erinyańa nnyin ikama, ukem nte ińwanade ye mme asua man ekubọ nnyin ediye idut nnyin, Abasi idikpońke nnyin edieke idide ata nditọ Esie. Enye oyom nnyin inyene odudu, idi mkpošoń mbon-ekọŃ eke midinyimeke ndiyak ekpededi ikpat kiet ke eńwan inọ Satan. Abasi ńko ọnọ nnyin ọyọhọ ńkpọ-ekọŃ ndida ńkpeme ukpoń nnyin onyuń owuk ete isine enye, esine ofuri ńkpọ-ekọŃ Abasi, man mbufo edikeme ndińwana ye ńkari Satan.

**Ukpeme Nnyin**

Mbon-ekọŃ ke America enyene ndidi mmọ emi ekopde odudu. Enyene ndidomo mmọ mbemiso eda ke ekọŃ. Ke ukpep-ńkpọ nnyin mfin, ńwed Abasi oyom kpukpru owo ke udim ekọŃ Abasi esọŃ idem ke ObọŃ ye ke odudu Esie. Ke ntre, okposuk edi nte akparawa me ńka-iferi Christ mikponke, minyuń isọńke ke odudu ikem, enye ekeme ndibere ke Jesus man enyene uko ke Enye.

Akpa ukpep-ńkpọ Owo-ekọŃ ọbođe edi, ndinam akpanikọ nnọ obio emana esie, ye ndikop item emi andida usuń ke ekọŃ ọnọde. Nnyin nte mme anditiene-Christ imọńwońọ ndinam akpanikọ ke kpukpru utom Ọboń. Nnyin idọhọ Abasi ite ke iyenam akpanikọ inọ Enye; ke iyesańa ke kpukpru usuń Heaven ye Enye; inyuń ińwońọ ndinam akpanikọ ke kpukpru mme ewuhọ Esie. Asua ukpoń nnyin ke odomo ndinam nnyin itre ndinam akpanikọ ke ńkpọ eke abańade edem-enyoń emi Jesus edide Ibuot-ukara. Satan ke odomo ndinam nnyin isọŃ ibuot, ke mme item ye ewuhọ emi Etubom-ekọŃ nnyin ọnọde. Jesus edi Etubom-ekọŃ nnyin, ndien ewet kpukpru mbet Esie ke Edisana ńwed Abasi.

Nnyin ikwe Satan ke enyin edi imọfiok ite enye omodu. Nnyin inyuń ikwe Jesus ke enyin obukidem, edi Enye odu ke esit nnyin, nnyin imotim ifiok ite ke Enye ododu ke akpanikọ. Asua ukpoń nnyin ọsọŃ ke odudu, edi Jesus enyene odudu akan enye. Nnyin ifeheke Satan, edi nnyin imokpono inyuń inyene uteńe eke Abasi inọ Jesus emi edide Etubom erinyańa nnyin.

## **Ñkpo-ekọñ**

Enọ owo-ekọñ kiet-kiet ikpa ukot emi ọsọñde man ada asaña isañ. Enọ enye itam ekọñ man ada ofuk ibuo. Enọ enye ikañ enyuñ ekpep nte akamade enye. Ke ini enye ebete oduk obio mme asua, enye enyene nditim ntiñ nnyin, midige ntre eyeda enye nte mbuo-ekọñ.

Nnyin imokot ite ke akpa ñkpo-ekọñ emi Abasi ọnọde ikọt Esie edi akpanikọ. Nte afo ọmọfiok se akpanikọ ọwọrọde? Nnyin ikot ibọrọ ke Ñwed Abasi, ebiet eke owo ekemede ndikut ibọrọ kpukpru mbume. Jesus ama ọdọhọ mbet Esie kiet ete, “Ami ndi usuñ, akpanikọ ye uwem”. Ke ini nnyin itinide akpanikọ, idighe ke mkpọk-inua ikpọñ edi itin ke ofuri esit nnyin, okposuk edi nte ufen me ukọbọ editienede, nnyin iyenylene uko. Nnyin ikop idem ke Ọbọñ koro Jesus emi edide akpanikọ ańwam nnyin nditiñ akpanikọ.

Akpanikọ edi uruk eke akpahade esit ye ekikere nnyin adian ọtọ kiet. Enye ańwam nnyin ndisuhọre kpukpru ñkpo nsin ke idak ukara Christ. Ke ini idomo edide, nnyin isuk ibuo inọ Enye inyuñ inwana ye Satan.

Ñkpo-ekọñ efen edi ukwak-ikpanesit edinen-ido. Jesus edi edinen-ido nnyin ye ukeme ndinam se inende, ñkpo eke ebietde eke Christ etie nte ọkposọñ ukwak ikpanesit eke ekpemedede esit nnyin, emi edide akpan itie ke idem owo. Ke itie efen ke Ñwed Abasi, etiñ abaña ñkpo ukpeme emi nte “ñkpo ikpanesit mbuo tidem ye ima” (1 Ñwed Thessalonica 5:8). Nte nnyin isuk isọñde imum mbuo tidem nnyin ke Christ Jesus, inyuñ isọñde ke ima eke inyenede inọ Enye, owo idikanke nnyin.

Etim ikpat nnyin enim ebaña Eti-mbuk emem emi. Inyene ndida mmọ ñka sededi edọñde nnyin ye ñkop-item. Kiet ke otu ewuhọ emi Etubom-ekọñ nnyin ọnọde edi, “Eka ke ofuri ererimbot, ekekwo ọ gospel enọ kpukpru owo” (Mark 16:15). Nnyin imekeme nditiñ nnọ mme ufan nnyin, ke ebete oro, mme andikpep nnyin ke ufok-ńwed ye ete ye eka nnyin edieke mmọ mibọhọ erinyaña kaña, ibaña Jesus. Abasi eyenọ nnyin ediwak ifet edieke udọñ akpanikọ odude ke esit nnyin ndinam se Enye ọdọhọde. Ndien ke ini mibighike, iyetiene inyene udeme ke obio-ubọñ emem emi Jesus ediwukde ke isọñ.

Nnyin inyene ndida otu-ekọñ mbuo tidem ñkama man ida inime onyim ikañ Satan. Mme eduat eke Satan otimde onim eyọhọ ye ikañ. Enye oyom mmọ ekim ebe eduk ke esit nnyin, ndien mmọ eyọhọ ye ntut-utọñ, edisioño ndo, ye ibak ekikere eke ekemede ndiwot ukpọñ owo. Edi ke ini imenerede otu-ekọñ mbuo tidem ke ikọ Abasi, ikañ oro enyene ndinime. Eduat oro Satan ekerede ete ke eyewot nnyin akabare ọduọ ke idak ukot nnyin, inyuñ ikemeke ndinam nnyin idiok. Koro Abasi ama ọńwọñ ete “idinyuñ iyake edomo mbufo ebe se ukeme mbufo edide; edi Enye eyesiak usuñ ubọhọ ọnọ mbufo ke ufọt idomo” (1 Ñwed Corinth 10:13).

Mmọ oro ekopde ikọ Abasi ye ana-inwan esit, ñko mmọ oro ekọtde enyuñ ekpepde Ñwed Abasi emi ọyọhọde ye mme eńwọñ Abasi, edi ata nti mbon-ekọñ. Mmọ ekeme ndimum otu-ekọñ mbuo tidem ñkama, koro “mbuo tidem oto ke erikop, erikop onyuñ oto ke ikọ Christ” (Ñwed Mbon Rome 10:17).

Ndun erinyaña edi ñkpo efen. Emi edi idorenyin nte ke Ọbọñ Jesus eyedip nnyin ke idak nsọñ-urua Iyip Esie, onyuñ ańwam nnyin ndikan ke kpukpru ekọñ andidiok ke usen ke usen tutu Jesus ọtọñ ntak edi.

Ofut Spirit, emi edide Ikọ Abasi, etiene ke akpatre, koro enye edi ñkpo-ekọñ eke ọsọñde ke odudu eti-eti. Ñwed Abasi etiñ ete, “Koro ikọ Abasi enyene uwem, onyuñ ananam ñkpo, onyuñ ọsọp akan kpukpru ofut iso iba, okim abahare ukpọñ ye Spirit, ye ikek ye ndia; onyuñ enyene ukeme ndidunfọre ekikere ye uduak esit owo” (Mme Hebrew 4:12). Jesus akada ikọ anam ñkpo ke ini andidomo eketienede Enye. Ke kpukpru idaha, Jesus eketiñ ete, “ema ewewet”, ndien ke akpatre, Satan ama ọkpọñ Enye.

## **Kpeme Nyuñ Bọñ Akam**

Ke utit kpukpru ñkpo-ekọñ emi, edọhọ nnyin ete ibọñ akam. Etiñ enọ nnyin ebaña ini eke ikpọbọñde akam, usuñ nte ikpọbọñde ye enye emi ikpọbọñde akam ibaña. Nnyin inyene ndibọñ akam kpukpru ini. Nnyin inyene ndida akam mbak asua ukpọñ edibiọñ nsin-ifik ke akam, me edikpan nnyin

ndisuk nyire ke akam tutu nnyin ifiok ite ke Abasi okop onyuan oboro akam nnyin. Nnyin inyene ndibon akam mbaana kpukpru ikot Abasi. Nnyin inyene ndibon akam mbaana idem nnyin ye kpukpru ndito ete ke Ufok Abasi; akpan-akpan mme okworok-iko ye mme ese utom nnyin, man mmok ekworok Iko Abasi uko-uko nte Abasi oyomde mmok ekworok.

### **MME MBUME**

- 1 Ke odudu anie ke nnyin ikeme ndikop idem nte mbon-ekon Christ?
- 2 Nso edi ntak eke anade isine ofuri nkpok-ekon Abasi?
- 3 Nnyin inwana enwan ye ewe odudu ye mme andikara?
- 4 Siak nkpok-ekon itiokiet emi etinde ebaana ke ukpep-nkpok nnyin mfin.
- 5 Ini ewe, me ewe usun ke ikeme ndibon akam?
- 6 Nso edi ntak emi Paul okoyomde mme anditiene-Christ ke Ephesus ekon akam ebaana enye?